

RS oduzima pravo vlasništva raseljenima

7 februar 2012 Izmijenjeno 18:54 CET

Zakon lišava prava vlasništva osobe koje su protjerane ili izbjegle, navodi Fondacija Centar za javno pravo



Povratnicima u RS onemogućeno je da zaštite privatno vlasništvo [NSRS]

Zakon o premjeru i katastru Republike Srpske, koji je u Narodnoj skupštini RS prošle godine izglasan po hitnom postupku, „oduzima pravo vlasništva protjeranim i raseljenim licima s teritorije RS“, zaključak je analize Fondacije Centar za javno pravo. Nakon što je Ustavni sud Bosne i Hercegovine obustavio primjenu Zakona o katastru RS, Narodna skupština RS je u oktobru prošle godine hitno usvojila modificiranu verziju, ili Zakon o premjeru i katastru RS.

„Raniji amandmani Zakona o katastru i nedavno započeta procedura amandmana Zakona o premjeru potvrđuju argument da sporni zakon ima za cilj lišiti prava vlasništva osobe koje su protjerane ili raseljene iz Republike Srpske“, navodi se u analizi saradnice Fondacije, pravnice Ene Gotovuše.

Klub Bošnjaka u Vijeću naroda RS je i nakon donošenja drugog zakona podnio apelaciju za ocjenu ustavnosti, koju je Ustavni sud RS odbio.

Ovom odlukom suda, za sada je povratnicima u RS onemogućeno da zaštite privatno vlasništvo.

Izvor: Al Jazeera